

欽定臺規

六

欽定臺規卷十一

憲綱三

典禮

朝會侍班糾儀○順治三年定朝會

御殿都察院滿漢堂官先入候

駕於

中和殿行禮畢趨出於

太和殿西檐東嚮立○又定恭遇

陞殿日侍班糾儀滿御史十有四人漢御史八人○

欽定四庫全書
又定恭遇

車駕出入午門及常朝坐班

天安門宣

詔

午門

頒朔

頒賞中式舉人進士詣

闕謝

恩均滿漢御史各一人有素越班行言語誼譁威儀

不肅者、劾。○十四年定

經筵日侍班、內閣滿漢大學士、同六部尙書、都察院、通政使司、大理寺、詹事府、滿漢堂官各一員、至

文華殿丹墀兩旁、序立侍儀、滿漢給事中各一員、御史各一員、於兩旁稍後立、禮部鴻臚寺官、豫設書案、及講官講案、

駕出至殿

陞座、侍班各大臣行二跪六叩頭禮、今改於丹陛上行禮、下同各

退立原班鴻臚寺堂官兩旁各一員引各官由左右階進

殿內各按部院衙門兩旁序立滿講官於東邊柱前立漢講官於西邊柱前立其侍儀科道官於殿內兩旁東西相嚮侍立鴻臚寺贊進講講官各從原班出進至講案前行一跪三叩頭禮退立原班滿漢講官次第進講畢退立原班鴻臚寺引各官至丹墀行二跪六叩頭禮禮畢

乘輿還宮○十八年題准大朝日滿漢御史稽察有

失誤者題叅○康熙五年題准凡朝期鴻臚寺將謝

恩官名數先送印冊到都察院臨期糾儀御史照冊查收職名○九年奉

上諭國家朝儀大體所在貴於整齊嚴肅不止係堂陛之觀瞻亦以見臣心之敬肆諸王大臣有逾越班行交相接語或輕佻嬉笑禮不踰階而相與言又况其甚乎爾衙門監察御史侍班切近見而不糾豈真目未之覩皆緣畏事徇情所以如此都察院職任重重大

朕躬有失尙爾指陳王及諸臣乃不叅奏揆之事理實所未協今後有失儀者毋得容隱○二十年題准

稽察朝儀

殿右檐下設滿御史二人王公行禮處東西班設滿御史各二人百官行禮處東西班上中下滿漢御史各二人○二十五年覆准凡

御門聽政日各部院奏事以滿漢給事中各二人侍班班在翰林之次○四十年議准每月逢五常朝之期令給事中更番稽察○五十四年定

御門聽政、以滿漢御史各二人、於西階下東嚮立、有跪立升降失儀者、指名題叅。○又覆准凡

聽政日、滿漢給事中各二人、與御史同班侍立。○雍正元年、奉

上諭、陞殿時、令糾儀御史稽察班次、整肅朝儀。○二年、
奉

上諭、嗣後朝會行禮、該稽察御史嚴察、遇有失儀、卽行糾叅、若不糾叅、經朕令人查出、必行治罪。○又奉

上諭、元旦日、鹵簿大駕排班之處、左班官員不在班行

金定彙編 卷二
四
站立成羣混行來往此皆大典之地係都察院之責伊等當卽行拏叅纔是將元旦日左班站班之監察御史交與該部察議嗣後排班行禮之處左右兩班著揀選派出侍衛各四五人監管如有此等混走者該監察御史卽指與侍衛拏究○又題准

皇上陞殿文武官員入朝時鴻臚寺官在

午門導引各官豫先進東西掖門分別左右各按品級班次站立行禮畢仍歸原班候

駕回宮照舊引出若有不隨旗分不按品級任意往

來行走者、卽行指名題叅、又定例、旗員分別左右翼排班、漢官在左翼之末、偏集一處、參差不齊、嗣後各部院漢員、亦均分左右兩翼排班、又御門舊例、各部院大臣官員、齊集後左門外、奏事衙門將報單豫交、臨進時、挨次而進、近日大臣官員不按次序、殊屬非禮、嗣後

御門奏事官員、各按部院次序而入、其不奏事官員、不許擅入、又常朝、文武官員、務照定例、整齊排班、若有違例、任意起坐者、稽察官指名題叅治

罪○七年議准常朝日滿洲大小官員一例會
集按次坐班無故不至者該科叅奏○八年奉
上諭大小官員頂帽補服坐褥等項各宜遵照現任品
級不得僭越從前已降諭旨後因御史等查奏文武
官員內補服頂帽不相符者朕又降旨頂戴等項各
按本身品級不得計算加級所頒諭旨甚明近聞文
武官員仍有越制擅用者及該管官查問則引從前
推算加級之例掩飾甚屬不合嗣後內外大小文武
官員帽頂補服坐褥等項悉照本身現任品級不得

指稱加級以開僭越之端在京著有稽察之責者嚴行稽察在外著該管上司稽察儻仍復不遵除將本人議處外其失察之員一併處分特諭○十二年禮部題准凡遇常朝日大臣官員入班後各按品級依次序坐如有不遵定制攙越失次或起立拱揖聚談不恭者糾儀御史指名題叅如徇情不行叅奏者一併議處再上

朝坐班時其看

午門

端門

東西兩闕門官兵理應將閒雜人等攔阻不得任其出入撞冒行走攙越班聯嗣後儻再有不遵定制亦令糾儀御史指名題參分別議處○十三年禮部題准每逢朝期八旗上

朝官員俱照部院各官儀注一體按品級坐班挨次收取職名不許爭相投遞紊越失儀更不許夾帶他人職名乘機混遞如有攙越班次齊向收職名處競相投遞及代遞他人職名者卽指

名題叅○乾隆元年議准凡大朝日書役閒雜人等交與侍衛

午門

闕門

端門之官兵嚴行管束各官從役等著該旗差出之驍騎校會同守衛朝房之步軍尉步軍等嚴行管束臨坐班時令從役等退出

闕左右門外嗣後如有前後行走無忌者御史等將管束不嚴之官並家主一併叅奏○二年奏

准恭逢

皇太后聖壽及元旦長至行慶賀禮設滿御史二人於慈甯門外檐下避立二人於

長信門外儀駕之末設漢御史二人於

午門外三處侍儀○又奏准設漢御史二人於

闕門二人於

端門均各分東西班稽察一應各官家人不許擅入違者拏究治罪其家主交部議處○又奏准常朝日滿漢文武大小官均如期齊集坐班如

有事故先期於朝單內聲明至期御史等逐一稽察如有無故不到者題叅○又奏准常朝日入旗官如仍前疏忽到班寥寥無幾御史等將官員過少旗分查明緣由題叅○十七年覆准常朝坐班各部院寺堂官除實有事故不能到班者許於冊內聲明其餘卽本部奏事仍留一人牽屬就列違者叅處又坐班向無定時今定冬春以辰正夏秋以卯正屆時糾儀官先出各官依次列坐後時至者指叅禮部暨都察院堂

金定臺規 卷二
官東西各歸本班毋庸別立班次以歸畫一。
二十二年奏准朝會。

御殿丹墀班後

昭德門

貞度門階下東西增設滿漢御史各二人禮部司
官二人侍衛二人稽察如有失儀越班任意起
坐蹲踞者卽指與侍衛立拏叅處再

殿階備茶之侍衛人員及各執事人等並隨王公
等護衛官員有立於階上正面者殊失體制令